



RI CHICAJEL KATATA'

C'O JUN DIOS

Ri Alma, jun profeta, quere' xutz'ibaj chupan ri Vuj richin ri Mormon: Chironojel nuk'alajirisaj chi can c'o jun Dios. Ja', re ruvach'ulef y ronojel ri e c'o chuvehch niquik'alajirisaj chi can c'o vi jun Nimalej Tz'ucunel. Ja', que c'a chuka' ri' niquik'alajirisaj ri rusiloxic re ruvach'ulef re', y ri utzilej quibaniquil ri ch'aka' chic sirisek tak ruvach'ulef (Alma 30:44). Tok yojtzu'un ak'anij chicaj, nik'ax c'a chikavech ri xubij ri Alma. Janila e q'uuiy ch'umila' y ch'aka' chic ruvach'ulef e c'o. Y man xaxe ta xetz'ucutej can chek queri' xa can tz'aket vi ri quichojmilal. Nikatz'et chi ri caj y re ruvach'ulef ja ri rusamaj ri Dios. E c'o e q'uuiy jebelilej tak cotz'i'j chuvehch re ruvach'ulef. E c'o chuka' jalajoj quivech chicopi'. Chuka' e c'o juyu', raken ya', sutz', chuka' ri job. Checonojel c'are' niquik'alajirisaj chi can c'o vi jun Dios.

Utz nishq'uix ri nabey Ruxe' ri Nimanic vacami.

¿Achique cami nikatz'et k'ij k'ij ri nuk'alajirisaj chikavech chi can c'o vi jun Dios?

JA RI DIOS RI RAJAF RI CAJ Y CHUKA' RI RAJAF RE RUVACH'ULEF

Ri profeta'ii' quibin chike chi ja ri Dios ri Ajaf richin ronojel. Rija' c'o chila' chicaj (tatz'eta' c'a ri DyC 20:17). Riq'uin ri Jesucristo ri ruc'ajol, ri Dios xutz'uc re ruvach'ulef y ronojel ri c'o chuvehch (tatz'eta' c'a ri Moisés 2:1). Rija' xuben ri ic', ri ch'umila', y ri k'ij. Rija' xuchojmirisaj pe re ruvach'ulef re', y xuya' pe rubaniquil, rubeyal, y ri ruc'aslen.

Rija' xunojisaj ri cak'ik' y ri ya' riq'uin ronojel ri q'ues. Xeruya' jalajoj quivech chicopi' pa juyu'. Rija' xuya' chike ri k'ij y ri ak'a'. Chuka' xuya' chike ri ruk'ijul ri job y ri

sak'ij. Xuya' chike ri tico'n y ri k'atoj. Rija' xuben ri vinek achi'el ri ruvachibal rija' y xuya' k'ij chire richin noc c'a rajaf ronojel chic ri xutz'uc can (tatz'eta' c'a ri Génesis 1:26-27).

Tasiq'uij c'a ruvech ri Mosia 4:9.
¿Achiq'ue xutz'uc can ri Dios?

Ri Brigham Young xubij chi ri Dios, ja rija' ri jun tz'aket y lok'olej vinek ri nikanimaj roj y nikaya' ruk'ij. Ja rija' ri Tz'ucunel y ri Nimalej K'atoy Tzij y ri Chajinel richin ronojel.

¿ACHIQUE CAMI RUBANIKUIL RI DIOS?

Ri Profeta José Smith xubij quere': Vi ta niretzetej vacami ri velo, y vi nik'alajirisex ta ri Dios chivech—ja', ri nimalej Dios ri nuchajij re ruvach'ulef pa rubaniquil, y nuchajij chironojel pa ruchojlen riq'uin ri lok'olej ruchuk'a'—ninbij c'a chi vi xa ta nuc'ut ri' ri Dios chivech rix vacami, nitz'et ta achi'el rubaniquil jun achin. . . (tatz'eta' c'a ri *Enseñanzas del Profeta José Smith*, p. 427). Ri Dios ja rija' jun ch'ajch'oj y tz'aket achin. Ri rubaniquil rija' can tio'jil y bakil. Chupan ri ruch'acul c'o jun ruxlabel ri man q'uisel ta (tatz'eta' c'a ri DyC 130:22).

Ri Dios tz'aket. Rija' yerajo' ri vinek. Rija' nujoyovaj quivech y yerulok'ok'e'j y nuk'et tzij pa quivi'. Rija' c'o riq'uin ronojel ruchuk'a' y retaman chironojel.

Rija' jun Dios richin kitzij y richin cukubabel c'u'x. Ri Dios nojinek riq'uin utzil. Ronojel ri utz elenek pe riq'uin ri Dios. Ronojel achique nuben rija' yeruto' ri ralc'ual richin ye'oc c'a junan riq'uin rija'. Rija' xubij quere': Vacami c'a, jare' ri nusamaj y ri nuc'ojlemal, xa ninben chi ri vinek man camel ta chic y chi nic'oje' c'a ri ruc'aslen jumul (Moisés 1:39).

Tabana' c'a chi ri vinaki' yequicano'j re tak mocaj re': Abraham 3:18-19 y ri Juan 3:16 y ri Mormon 9:9 y ri 2 Nefi 9:17 y ri Alma 26:35 y ri DyC 109:77 y ri DyC 130:22. Tabij c'a chique chiquijujunal ri vinek chi tiquisiq'uij jun chique re mocaj re'. Tabij chique chuka' chi tiqubij achique ta jun rubaniquil chiretamaxic ruvech ri Chicajel Kataka'.

¿ACHIQUE ROMA TOK NIC'ATZIN CHI NIKETAMAJ RUVECH RI DIOS?

Janíla nic'atzin chi niketamaj ruvech ri Dios. Romari' ri Ajaf quere' xubij: "Ja c'are' ri c'aslen richin jumul, chi

tiquetamaj avech chi ayon rat ri Dios kitzij, y chuka', ri Jesucristo ri atakon pe'' (Juan 17:3).

Ri nabey y nimalej rupixa' jare': "Tavajo' ri Ajaf Dios ri-q'uin ronojel ac'u'x. . ." (Mateo 22:37).

Vi más ketaman ruvech ri Dios, más nikajo'. Vi nikajo' rija', yekatakej c'a ri rupixa'. Vi yekatakej ri rupixa', xkojoc c'a junan riq'uin rija' (tatz'eta' c'a ri 1 Juan 2:3).

¿Achiqne roma nic'atzin chi niketamaj ruvech ri Dios?

¿ACHIQUE CAMI RUBEYAL RICHIN NIKETAMAJ RUVECH RI DIOS?

C'o modo niketamaj ruvech ri Dios y niketamaj rubaniquil vi yekaben re na'oj re':

Tikanimaj ri Dios. Tikanimaj c'a chi rija' q'ues y chi rija' vojrajo' (Mosia 4:9).

Tikatijoj ki' chire ri lok'olej tz'ibanic (tatz'eta' c'a ri 2 Timoteo 3:14-17).

Kojch'o riq'uin ri Dios (tatz'eta' c'a ri Santiago 1:5). Qekatakej chi utzil checonojel ri rupixa' ri Dios (tatz'eta' c'a ri Juan 14:21-23).

Vi nikaben ronojel re', xtiketamaj c'a ruvech ri Dios y xti-kach'ec apon ri c'aslen richin jumul.

¿Achiqne modo xtiketamaj ruvech ri Dios?

¿Achiqne modo xtikaben ronojel ri nic'atzin chupan ri kac'aslen richin niketamaj ruvech ri Dios?

Tabixaj c'a ri bix rubini'an "Chicaj Q'ues ri Nata'" y jun chic rubini'an "Nata"'. .

CH'AKA' CHIC MOCAJ RI UTZ YE'ANIC'OJ

Hechos 7:55-56 (ri C'ajolaxel pa'el pa rajquik'a' ri Tata'ixel)

DyC 88:41-44 (ri rubaniquil ri Dios)

Salmos 24:1 (re ruvach'ulef can richin ri Ajaf)

Moisés 1:30-39 (nitz'ucutej re ruvach'ulef)

Alma 7:20 (ri Dios manjun itzel nuben)

José Smith 2:17 (ri Tata'ixel y ri C'ajolaxel chiquijujunal c'o ri quich'acul)

Alma 5:40 (ri utz elenek pe riq'uin ri Dios)

Juan 14:6-7 (ri C'ajolaxel y ri Tata'ixel e junan)

Mormon 9:15-20 (ri Dios nuben nimalej samaj)

Abraham 3:19 (janíla retaman ri Ajaf chiquivech conojel ri vinaki')

1 Juan 2:3 (nikatakej rupixa' ri Dios richin queri' xtiketamaj c'a ruvech)



RI KA FAMILIA CHILA' CHICAJ

ROJ OJ RALC'UAL RI CHICAJEL KATATA'

Ri Dios man xaxe ta ri banoy kichin y ri k'atoy tzij pa kavi'. Xa can ja rija' ri Chicajel Katata'. Ri Joseph F. Smith quere' xubij: "Checonojel ri achi'a' y ri ixoki' e kitzij e ralc'ual ri Dios. Ri ruxlabal ri vinek xralc'ualex roma jun chicajel tata'aj. C'a c'ari' ri ruxlabal xq'uiytisex chila' chupan ri c'ojlbel ri man q'uisel ta richin ri Tata'ixel. Ronojel c'are' xbanatej tok manjani toc pe ri vinek chupan ri ruc'h'acul vave' chuvech re ruvach'ulef''.

Conojel ri e alaxinek chuvach'ulef can e kach'alal chic tok roj manjani' kojalex. Ri nabey uxlabel ri xalex quiq'uin ri chicajel kate' katata' ja ri Jesucristo (tatz'eta' c'a ri DyC 93:21). Romari' ja rija' ri lok'olej kanimal. Ri kuxlabal roj juba' man junan nitzu'un quiq'uin ri lok'olej quich'acul ri chicajel kate' katata'. Xaxe rije' c'o quich'acul ri c'astajinek chic. Roj kichinan ri lok'olej uchuk'a' richin yojtiquir nikaben ri chojilej quina'oj rije'. Can c'o vi modo richin yojoc tz'aket junan quiq'uin rije'. Jari', xaxe vi nikacha' richin nikaben ri c'atzinel.

¿Achique camí ri rutata' ri espíritu?

¿Acuchi oj c'o vi tok manjani kojalex pe chuvech re ruvach'ulef?

¿Achique camí ri kach'alal? (Tatz'eta' c'a ri Hebreos 12:9.)

¿Achique ri nabey uxlabel ri xalex quiq'uin ri chicajel kate' katata'?

¿Achojiq'uin nikajunamaj kí' quiq'uin ri chicajel kate' katata'?

XKANIMIRISAJ RI KANA'OJ TOK C'A OJ C'O NA CHILA' CHICAJ

Ri lok'olej tak tz'ibanic niquik'alajirisaj chikavech chi conojel ri profeta'i' xquitijoj apon qui' richin ye'oc e uc'uey bey chuvech re ruvach'ulef. Jari' xquiben tok rije' c'a e uxlabel na chila' chicaj (tatz'eta' c'a ri Alma 13:1-3). Tok manjani

que'alex pe chuech re ruvach'ulef, ri Dios xerucha' richin xque'oc ri uc'uey bey vave' (tatz'eta' c'a ri Abraham 3:22-23). Ri José Smith xubij chi conojel ri vinaki' ri e uc'uayon quibey ri ch'aka' chic vinaki' chupan ri K'ataj can xechatej vi richin queri' niquben c'a ri samaj ri' vacami (tatz'eta' c'a ri *Enseñanzas del Profeta José Smith*, p. 453). Man riq'uin vi ri', niyatej k'ij chique conojel ri vinaki' richin niquben ri samaj ya'on can chique o xa richin man niquben ta.

Tok roj c'a oj c'o na chila' chicaj, man oj junan ta. Jalajoj ruvech ri kana'oj. Jalajoj c'a ruvech ri xojtiquir xkaben roj chikajujunal. Tok nikac'ul ri katurusanic ri nuya' ri Nimata-ta'al, c'o modo richin niketamaj juba' chic chirij achique ri más yojtiquir nikaben y ri samaj yatajinek can chike. Stape' kamestan oj achique roj y achique ri xkaben tok c'a manjani kojalex pe vave', ri Chicajel Katata' man rumestanta. Rija' ruk'ijun can ri k'ij tok yojalex pe vave'. Chuka' rucha'on ri c'ojlibel acuchi xojalex vi. Jari' xuben richin queri' niketamaj achique ri nic'atzin chike roj chikajujunal. Riq'uin c'ari', c'o modo richin nikaben ri utz riq'uin ri kana'oj. Man riq'uin vi ri', ri Dios manjun bey xtuben chike chi nikaben ri nubij. Xa nic'atzin nikanimaj rutzij rija' roma can nikajo' vi nikanimaj. Vi man nikaben ta queri', manek modo xtikaben ronojel achique ri ruk'ijun rija' chike.

¿Achique rubaniquil ri kac'aslen tok c'a manjani kojpe chuech re ruvach'ulef?

RI CHICAJEL KATE' KATATA' NICAJO' CHI ROJ YOJQUICOT ACHI'EL RIJE' YEQUICOT

Tok c'a oj c'o na quiq'uin ri chicajel kate' katata', rije' xquiya' chike jun kachoch chila' chicaj. Ri kachoch chiri' janíla jebel chuech ronojel ri c'o chuech chijun re ruvach'ulef. Yojquicot chiri'. Man riq'uin vi ri', rije' quetaman chi manek modo nijote' más ri kac'aslen chiri'. C'atzinel c'a richin xojel pe juba' ti tiempo quiq'uin. Rije' nicajo' chi roj niketamaj ronojel ri ch'ajch'oj tak na'oj ri quetaman rije'. Romari', c'o chi yojel pe chupan ri kachoch chila' chicaj y yojtojbetej c'a vave' chuech re ruvach'ulef. C'o chi nikacha' ri utz o ri itzel. Nic'atzin c'a jun ch'aculaj chire ri kuxlabal. Chuka' c'atzinel c'a chi ri kuxlabal nel el chupan ri kach'acul tok xkojcom. C'a c'ari', nic'atzin chi ri kuxlabal y ri kach'acul niqitun chic qui' tok xkojc'astej pe

chupan ri camic. Ja c'ari' tok xtikac'ul c'a jun kach'acul ri man camel ta. Ri ch'aculaj ri' xa junan riq'uin ri quich'acul ri chicajel kate' katata'. Vi nikaben c'a ronojel ri yatajinek can chike richin nikaben, jari' tok xtikac'ul ri quicoten junan riq'uin ri quicoten quichin ri chicajel kate' katata' (DyC 93:33).

¿Achique modo yojruto' re c'aslen re' richin nikachojmirisaj apon ki' richin xkojoc na junan quiq'uin ri chicajel kate' katata'?

RI CHICAJEL KATATA' XUBEN JUN RUBEYAL RICHIN YOJOC NA JUNAN RIQ'UIN RIJA'

Tok c'a oj c'o na chila' chicaj, ri Chicajel Katata' xojroyoj chupan jun nimalej molojri'il (tatz'eta' c'a ri *Enseñanzas del Profeta José Smith*, pp. 433, 453). Chiri' c'a, rija' xuk'alajirisaj chikavech jun rubeyal richin nijote' más ri kac'aslen. Jari' xuben rija' roma manek modo richin nijote' más ri kac'aslen chila' chicaj. Chiri' xketamaj chi vi roj nikatz'ekelbej ri rubeyal, can c'o vi modo richin xkojoc na junan riq'uin rija'. Xquec'astej na pe ri kach'acul y xtiyatej chike ronojel ri uchuk'a' chila' chicaj y chuka' chuvech re ruvach'ulef. Xkojoc na c'a te'ej tata'aj chila' chicaj y xquec'oje' kalc'ual pan uxlabel achi'el ri ralc'ual ri Dios (DyC 132:19-20).

Chiri' chupan ri nimalej molojri'il ri', roj xketamaj chuka' chi ri Dios xtuben jun ruvach'ulef acuchi yojojtobetey vi (Abraham 3:24-26). Nic'atzin c'a chi jun velo nucuch na ri kanojibal, y queri' nikamestaj ri kachoch chila' chicaj. Jari' nic'atzin roma ri Ajaf nurayij chi roj nikaben ri utz o ri itzel xaxe roma ri karayibal chikajujunal. Roj man noka' ta chikac'u'x ri kac'aslen rubanon can riq'uin ri Tata'ixel. Roma c'ari', c'o c'a modo richin nikanimaj rutzij rija' xa roma cukul kac'u'x riq'uin y man roma ta ketaman ruvech yalan utz, ni man roma ta noka' chikac'u'x ri kac'aslen riq'uin rija'. Man riq'uin vi ri', ri Dios xubij chike chi rija' xkojruto' richin xtiketamaj ruvech ri kitzij tok xtikac'axaj vave' chuvech re ruvach'ulef (tatz'eta' c'a ri Juan 18:37).

Chiri' chupan ri nimalej molojri'il chila' chicaj, roj xketamaj chuka' achique roma nic'atzin chi nijote' más ri kac'aslen. Xketamaj c'a chi c'o modo richin chi roj nikac'ul jun quicoten richin jumul. Chuka' xketamaj chi man conojel ta ri ralc'ual ri Dios xticajo' xtiquic'ul ri jun quicoten ri'. Ch'aka'

xkojsachyaj, y xtikacha' jalajoj tak bey. Xketamaj chi roj konojel xtikac'ovisaj ri c'ayeval. Xtikac'ulvachij ri yabil, ri bis, ri k'axo'n, y ri camic. Man riq'uin ri', ketaman chi ronojel re' xa xtiquiben chike chi xkojoc utzilej tak vinaki' (tatz'eta' c'a ri DyC 122:7). Vi yekacoch' re c'ayeval re', xkojch'ajch'ojirisex coma, y man xkojch'ac ta. Re c'ayeval re' yojruto' richin yojcoch'on y más yekajo' ri ch'aka' chic vinaki'.

Chupan ri nimalej molojri'il ri', roj xketamaj chuka' chi xkojmacun roma man oj choj ta. Xketamaj c'a chi jun Colonel c'o chi nipe chikato'ic. Roma ri nuben rija', c'o c'a modo richin yekach'ec ri kamac, y chuka' ri camic, richin queri' yojc'astej c'a pe. Xketamaj chi vi nikanimaj rutzij ri Colonel ri', xtiya'ox c'a k'ij chike richin xkojoc junan ri-q'uin ri chicajel kate' katata'. Xtikac'ul c'a ronojel ri quico-ten.

¿Achiqne rubeyal ri xuk'alajirisaj ri Dios chikavech?

¿Achiqne xbitej chike chi xtikac'ulvachij na chuvech re ruvach'ulef?

¿Achiqne roma tok ri Tata'ixel nuya' k'ij richin nikac'ovisaj c'ayeval y nikac'ulvachij ri camic?

Tabixaj c'a ri bix rubini'an "Yin In Ralc'ual ri Dios" y chuka' ri bix rubini'an "Nata".

CH'AKA' CHIC MOCAJ RI UTZ YE'ANIC'OJ

Hebreos 12:9 (ri Dios ja rija' ri rutata' ri kuxlabel)

Job 38:4-7 (c'o jun kac'aslen rubanon can)

Abraham 3:22-28 (nitz'etetej ri kac'aslen rubanon can)

Jeremías 1:5 (nitz'etetej ri kac'aslen rubanon can)

DyC 29:31-38 (nitz'etetej ri kac'aslen rubanon can)

Moisés 3:4-7 (nabey xtz'ucutej ronojel pa uxlabel)

1 Corintios 15:44 (nabey xtz'ucutej ronojel pa uxlabel)

DyC 76:23-24 (ja ri Dios alc'ualayon kichin)

DyC 132:11-26 (ri rubeyal richin nijote' ri kac'aslen)

